

No. 168. 1421. 27. Juni.

*Markgraf Friedrich der Aeltere bestätigt der Pfarrkirche zu Altdresden einen zugleich mit andern Gütern und Zinsen von Markgraf Wilhelm I. überwiesenen Weinberg vor Altdresden am Wege nach Meissen.*

Wir Friederich der elder von gotes gnaden landgraue in Doringen vnd marcgraue zcu Mißen bekennen —. Alß vorgetzyten der hochgeborn furste herre Wilhelm seliger vnser liber vetter einen wingarten gelegen vor Aldendresden allir nehist alß man gühet gein Missen mit andern gutern vnd czinsen zcu der pfarrekirchen daselbist zcu Aldendreßden in die ere gotes, der iunefrauwen Marien vnd in die ehre der heiligen drier konige gegeben hat, ym, synen eldern vnd allen synen nachkomeligen zcu eynen ewigen gedechtenis, selegerete vnd zcu eyner vrsatzunge der wydemunge der egenanten pfarren mit allen rechten eren nuczen werden vnd friheiten, alß der von vnserm vetter obgenanten uff vns irstorben vnd an vns komen ist, vnd in allermaße, alß den vnser vetter vorgebant darczu gegeben hat, den wir den ouch daczu gegeben habin vnd gebin mit diesim brieue, also das den eyn iglich pfarrer vnd vorsteher der egenanten pfarren gebrauchen gnyßen sal so er beste kan adir mag. Des czo orkunde habin wir vnser ingesigel wissentlichen uff diesin briff inwenig laßen drucken, der gegeben ist zcu Missen am freytage nach sente Johannes tage des teuffers nach gotes gebort virezenhundert vnd darnach in dem eyn und czwenzigsten iaren.

Hilscher Etwas zur Alt-Dresdn. Kirchenhist. (II.) S. 57. — Horn Friedr. d. Streitb. S. 848. — Hasche Urkundenb. S. 215.

No. 169. 1425. 24. Febr.

*Landgraf Friedrich belehnt, unter Vorbehalt der Wiedereinlösung, die Stadt mit dem halben Dorfe Quohren, welches die Gebrüder Bussman an dieselbe auf Wiederkauf verkauft haben.*

Wir Friderich von gotes gnaden lantgraue in Doringen vnd marcgraue zu Missen bekennen —, als vnser lieben getruwen Vincencius vnd Hanns Pußman gebrudere die helffte des dorffs Tworn von vns zcu lehen rurende den borgern vnser stat Dresden auch vnsern lieben getruwen vf einen widerkauf vor hundert vnd zehen schog nuwer schildechter groschen verkaufft haben, das wir vmb willen vil annemer dinste, die vns dieselben vnser burgere offte williclichen getan haben vnd tegelichen tun, vnd auch vlissiger bete der obgenanten Pußman zu sollichem kauffe vnser gunst vnd willen gegeben, die helffte des obgeschriben dorffs Tworn von den vorgebant Pußmann vfgelassen genomen vnd das mit allen sinen eren nuczen werden friheiten rechten vnd gewonheiten, mit gerichtten obersten vnd nydersten, als das dieselben Pußman bisher von vns gehabt vnd herbracht haben, — den vorgebant borgern vnser stat Dresden vf einen widerkawf vor die obgerurten summe geldes gelihen haben vnd bekant —, doch mit beheltenisse vns der losunge doran, ab die die vor-